

պէսզի կրկնապատիկ ուշադրութեամբ վերաբերուին նրանց՝ թոյլ չտալով, որ նրանք ոեւէ բանի կարիք զգան: Սրանով նրանք ասպացուցած կը լինին, որ վրացիները չեն մոռացել հիւրասիրութեան հին աւանդութիւնները»:

Յայտարարութեան հետ, որի տակ ստորագրել են 42 զինուոր եւ բժշկական մասի 5 պաշտօնեաներ, հետեւեալ նամակն էր ուղարկուած «Բարբա»ի խմբագիր Գ. Շարաշիճէին.

«Սիրելի Գաթիկօ,

«Ուղարկում եմ լեզ մեր զինուորների այս յայտարարութիւնը, որպէսզի տպագրես «Բարբա»ի մէջ՝ խնդրելով բոլոր վրացական եւ ռուսական թերթերին, որ արտասուեն: Կարող ես յայտարարութեան աւելացնել եւ թո մեկնութիւնները, որոնք կարող են շատ օգտակար լինել՝ նկատի ունենալով կրքերի այս գերազըրդիւ վիճակը: Կանխօրէն յայտնում եմ զինուորների եւ իմ շնորհակալութիւնը թո այս ծառայութեան համար:

«Սմուր սեղմում եմ ձեռքը: Բարեւներ բարեկամներին: Ս. Զեղզեհիճէ:

20 Դեկտեմբեր, 1918»

Այսպէս էր վերաբերում հայ ժողովուրդը դէպի հարեւան ժողովրդի զաւակները, թէ եւ նրա «հերոսութիւնն ու քաղաքացիական պարտաճանաչութիւնը» ոչ ոքի կողմից չէր թմբկահարւում: Այսպէս էր հասկանում իր դերը եւ Հայաստանի կառավարութիւնը վրաց ժողովրդի հանդէպ, թէ եւ նա ոչ պարլամենտի ամբիոնից եւ ոչ էլ հրապարակային կոչերով բարեկամական զգացմունքների հաւաստիքներ չէր շուսյիւ այդ ժողովրդի հասցէին...

* * *

Մեր այս տեսութիւնը վերջացնելու համար, մնում է մի քանի խօսք էլ ասել վիրահայ ազգային փոքրամասնութեան դէմ հայ-վրացական պատերազմի առթիւ կատարուած հալածանքների պատճառների մասին:

Առաջինը, որ վրացական շրջանները այդ հալածանքները ներկայացնում էին իբրեւ «պատերազմական անհրաժեշտութիւն», պայմանաւորուած այն հանգամանքով, որ, պատերազմի ժամանակ, Վրաստանի հայերը թշնամական դիրք էին բռնել դէպի վրաց կառավարութիւնը եւ զօրքը:

Որ այս մեղադրանքը ըստ ձեւի անհիմն է, այդ մենք տեսանք այն փաստից, որ յիշեալ հալածանքները վերարժարժուեցին եւ իրենց զազաթնակէտին հասան այն օրերին, երբ վրացիներն արդէն կնքուած էր հայերի եւ վրացիների միջեւ, թշնամական գործողութիւններն իսպառ դադարած էին եւ երկու կողմից նշանակուած պատուիրակութիւնները հաշտութեան պայմաններն էին մշակում թիֆլիսում: Նման պարագաներում տեղի ունեցած հալածանքները բացատրել «պատերազմական անհրաժեշտութեամբ» տրամաբանական անհեթեթութիւն է, ուրիշ ոչինչ:

Իննենք այժմ այս «պատերազմական անհրաժեշտութիւնը» ըստ էութեան:

Կասկած չկայ, որ հայ-վրացական կռիւների ժամանակ, Վրաստանում գտնուած հայերի համակրանքը Հայաստանի կողմն էր: Անգամ եթէ այս բոլոր հայերն էլ Վրաստանի քաղաքացիներ լինէին — որ չէին ի հարկէ — նրանք ներկայ դէպքում այլ վերաբերմունք ունենալ չէին կարող: Որովհետեւ վրացական պետութիւնը, եթէ նա նոյնիսկ այնքան աննախանձիկ վիճակ չունենար ազգերի իրաւահաւասարութեան տեսակէտից, անկարող էր ընդամէնը վեց ամսուայ ընթացքում պատուաստել իր հպատակ հայերի մէջ քաղաքացիութեան այնպիսի գօրեղ զգացմունք եւ դիտակցութիւն, որ, սրանց համեմատութեամբ, դարերի ընթացքում արմատացած ազգային-կրօնական զգացմունքներն ու տրամադրութիւնները ստորադաս նշանակութիւն ստանային:

Ճիշդ է, այդ ժամանակները Վրաստանի կառավարութիւնը եւ սոցիալ դեմոկրատական «Էրթօբայի» եւ «Բարբայի» խմբագրութիւնները հեղեղում էին հեռագրներով ու գրութիւններով, որոնցով վիրահայ զանազան համայնքներ ու շրջանակներ իրենց զայրոյթն էին յայտնում Հայաստանի «հակայեղափոխական կառավարութեանը», որ «յարձակուել էր Վրաստանի դեմոկրատիկ Հանրապետութեան վերայ»: Սակայն, այս «ցոյցերը» ոչ ոքի մոլորեցնել չէին կարող: Նախ՝ որ նրանք շատ էին յիշեցնում այն հանրազրութիւնները, որ համիդեան կոտորածների ժամանակ հայերն ուղարկում էին Բարձր Դուռը՝ բարեխնամ կա-